

Ս. Ս. Ղափբյան

ՀԱՅՈՑ ԼԵԶՎԻ ԴԵՐՆ ՈՒ ՏԵՂԸ ՀՆԴԵՎՐՈՊԱԿԱՆ ԼԵԶՈՒՆԵՐԻ ՀԱՄԱԿԱՐԳՈՒՄ

ԱՆՈՒՆՆԵՐԻ ՀՈՒՆՎԵՐՆԵՐԻ ԿԱԽՈՒՅՎԱԾՐԻ ԷՎՈԼՅՈՒՑԻԱՅԻ ՀԱՐՅԸ

Հնդեվրոպական նախալեզվի անունները բաղկացած էին երկու ձևությո-
ններից՝ հիմքից և վերջավորությունից¹, ըստ որում հիմքերը ևս երկու կարգի
էին՝ թեմատիկ (ձայնավոր վերջավորությունամբ) և աթեմատիկ (բաղաձայն և
ձայնորդ վերջավորությունամբ)²:

Նման վիճակի փնտրողները կան միայն հնդարիական հին լեզուներում³:

Այս վիճակը ենթարկվեց փոփոխություն հնդեվրոպական հին դասական
լեզուներում (լատիներենում, հին հունարենում, հին գերմաներենում, հին սլա-
վոններենում և այլն):

Այս փոփոխությունը դիպավ հիմքի վերջի ձայնավորին և վերջավորու-
թյանը, ըստ որում... «Հիմքի վերջի ձայնավորը և վերջավորությունը միա-
ծուլվում էին խոսողների գիտակցության մեջ իբրև անբաժանելի մի ամբող-
ջություն...»⁴:

Բոլոր դասական լեզուների մեջ, բացի սլավոնականից, հիմքի ձայնա-
վորի միաձուլումը վերջավորության հետ վերացնում է հիմքի և վերջավորու-
թյան միջև գիտակցվող սահմանը: Այդ լեզուներում այլևս գոյություն չունեն
մի ձև, մի հիմք, որի վրա ավելանային վերջավորություններ՝ հոլովներ ստաց-
վելու համար: Ուղղական էլ անունների ձևերից մեկն էր ու չէր կարող հո-
լովման ելակետային ձև համարվել⁵:

Այդ առիթով իտալական անվանի գիտնական Վիկտորիո Պիզանին բերում
է հետևյալ օրինակը՝

Միջլատիներենի հոլովում

*lupo-s

*lupo-m

*lupōi...

Լատիներենի հոլովում

lupus

lupum

lupō...

¹ «Զուռլթ» ասելով մենք հասկանում ենք բառի յուրաքանչյուր մասը, որ որևէ նը-
շանակություն ունի (արտահայտում է հիմնական կամ երկրորդական իմաստ, քերակա-
նական հարաբերություն և այլն):

Ն. Եվ. Բառի կազմության մասին Ա. Մեյեն ասում է «Հիմքը, արմատի և ածանցի
բաժանվող կամ չբաժանվող, և վերջավորությունը հնդեվրոպական ձևաբանության էական
տարրերն էին» А. Мейе Введение в сравнительное изучение индоевропейских языков,
Иркутск 1938 թ. էջ 170:

² Ա. Մեյեն, նույն տեղը, էջ 200:

³ Նույն տեղը, էջ 429:

⁴ Նույն տեղը, էջ 430:

⁵ Ա. Մեյեն, նույն տեղը, էջ 429:

⁶ В. Пизани. Этимология. стр. 101. 1456 г. Русск. перевод.

Սլավոններենում էլ կատարվեց հիմքի և վերջավորության միաձուլում, սակայն հիմքի ձայնավորը որոշակի միացավ վերջավորությանը և նրա հետ կազմեց մի նոր վերջավորություն:

«Սլավոնական հոլովման մեջ արդեն չկա ոչ հիմք, ոչ էլ ձևակազմիչ, այլ կա միայն «վերջավորություն», որ կազմված է հիմքից առնված տարրից և հին ձևակազմիչի մնացորդներից, որոնք բառավերջի հատուկ փոփոխությունների հետևանքով իրենք ևս խիստ փոփոխված էին»:

Դրա մասին ամենալավ գաղափարը կարող է տալ ժամանակակից ուսուսերենի ձայնավոր վերջավորություն ունեցող գույականների հոլովումը:

Единствен. число

Множественное число

Им. Сел-о стен-а

сёл-а стен-ы

Р. сел-а стен-ы и т. д.

сел стен и т. д.

Ինչպես տեսնում ենք, село և стена բառերի հոլովման հիմքերն են сел և стен (դրանց հոգնակի սեռականը «մաքուր» հիմքի ձևեր են՝ ղրկված հիմքի վերջի ձայնավորից):

Ուրեմն՝ սլավոնական լեզուների անունները մնացին երկձևույթ և տարբերվեցին հնդեվրոպական նախալեզվից նրանով, որ հնդեվրոպական հիմքի վերջին ձայնավորը, պոկվելով նրանից, միացավ հին ձևակազմության մնացորդներին՝ նրա հետ միասին կազմելով նոր վերջավորություն:

Այսպիսով պատմահամեմատական լեզվաբանական գիտությունը հնդեվրոպական դասական լեզուների անունների կազմությունը բաժանում է երկու տիպի, որոնցից մեկը պայմանական կերպով անվանում ենք լատինական տիպ և մյուսը՝ լատինական տիպ: Առաջինը հիմքի վերջին ձայնավորը միացնելով հին ձևակազմական մասնիկներին, ջնջում է հիմքի և վերջավորության սահմանները, իսկ երկրորդը՝ պոկելով հիմքի վերջին ձայնավորը, միացնում է ձևակազմական մասնիկներին և կազմում է նոր վերջավորություն:

Երկրորդ տիպը, որի ներկայացուցիչները սլավոնական լեզուներն են, հիմքերի վերասերման էվոլյուցիայով ավելի առաջ է անցել, քան առաջին տիպը: Ինչպես է այդ կատարվել, արդյոք միանգամից, թե միջանկյալ փուլով:

Անունների կառուցվածքային այդ հարցի լուծումը ճշգրտում կմտցնի հնդեվրոպական լեզուների ձևաբանության զարգացման պատմության մեջ:

Այդ տեսակետից հայերենը ներկայացնում է մի նորություն, որը կարող է որոշ չափով լույս սփռել հարցի պարզաբանման վրա:

Հայերեն լեզուն մեր դարաշրջանի 5-րդ դարի վկայված օրինակով՝ գրաբարով, ցույց է տալիս, որ դասական լեզուների անվանական կառուցվածքի մեջ կա մի երրորդ տիպ, որը տարբեր է թե՛ լատինական և թե՛ սլավոնական տիպերից:

Այն էլ ասենք, որ առաջին երկու տիպերի լեզուները պահպանում են հնդեվրոպական նախամայր լեզվի մի հատկությունը. նրանք, ջնայած բառի վերջավորության մեջ կատարված փոփոխություններին, պահպանել են բառի վերջավորության գիտակցումը և դրա հետևանքով պահպանել են սեռի, հոլովման տիպի, թվի գաղափարները ուղղական ձևի մեջ:

Հայերեն լեզուն, ինչպես ապացուցել է լեզվաբանությունը⁸, կորցրել է

⁷ А. Мейе. Обнеславянский язык, стр. 308, 1951 г., русск. перепод.

⁸ А. Meillet. Esquisse d'une grammaire comparée de l'Arménien classique, 1936, 2-me edit.

անունների վերջին վանկը և դրա հետևանքով կորցրել է անվան ուղղական ձևի վերջավորության գիտակցումը և բոլոր այն քերականական գաղափարները, որոնք ամփոփված էին այդ վերջին վանկում:

Գորցնելով վերջին վանկը, հայերենի անունները ուղղական ձևում վերածվել են «մաքուր» հիմքի, որի վրա վերջավորություններ ավելացնելով՝ կարելի է ստանալ զանազան հոլովներ:

Օրինակի համար վերցնենք երեք անուն, որոնք ունեն առաջնալեզվային բաղաձայն վերջավորություն. նետ, կետ, զարդ: Դրանց գործիականը կլինի՝ նետի, գետով, զարդու:

Առաջին տպավորությունից կարելի է եզրակացնել, որ գործիական հոլով ստանալու համար նետ ուղղականին ավելացվել են «իւ», գետ բառին՝ «ու», և զարդ բառին՝ «ու» վերջավորությունները:

Ինչպես հայտնի է, հնդեվրոպական այլ լեզուներում (և առաջին և երկրորդ տիպերի) այդպես չեն վարվում:

Որևէ այլ հոլով ստանալու համար ուղղական ձևի վերջավորությունը դեն է գցվում և տեղը դրվում է համապատասխան հոլովի վերջավորությունը (сел-о, сел-а և այլն):

Բայց հայերենում նկատելի է մի այլ երևույթ ևս, որը շատ կարևոր է հնդեվրոպական լեզուների անունների կառուցվածքի էվոլյուցիան հասկանալու համար:

Նետ-իւ, գետ-ով և զարդ-ու գործիական ձևերի մեջ նկատում ենք վերջավորությունների երկու տարբ. դրանցից վերջինը միևնույն վերջավորության կամ, ինչպես ասում ենք, հոլովակազմիչի տարբերականներն են (ւ, ղ):

Այսպիսով գրաբարի անվան յուրաքանչյուր հոլովը կարող է ունենալ վերջավորություն, ոչ կոչում ենք հոլովակազմիչ:

Եթե այդ հոլովակազմիչը հանենք, մնում են նրանց նախորդող ի և ո (նաև ա) ձայնավորները և ու երկբարբառը:

Այդ ձայնավորները և երկբարբառը գրաբարում ունեն հոլովման տիպ ցույց տալու ֆունկցիա, հոլովման ցուցիչներ են: Այդ ֆունկցիան նրանք պահպանում են հոլովներում, ուստի այդ ձայնավորները չեն կապվում ոչ մի հոլովի հետ առանձին: Առաջանալով սեռականում, նրանք պահպանվում են բոլոր հոլովներում (բացի հնչյունափոխության դեպքերից): Նրանք չեն կապվում նաև որևէ հոլովակազմիչի հետ, ուստի նրանք միայն լեզվում նշաններ են: Օրինակ՝ բան, բան-իւ, գետ, գետ-ոյ, գետ-ու, Արշակ, Արշակ-աւ, Արշակ-աւ:

Լեզվաբանական գիտությունը ցույց է տվել, որ հոլովովիչներն առաջացել են հնդեվրոպական անունների թեմատիկ ձայնավորներից⁹:

Հետևաբար գրաբար լեզուն, ի տարբերություն բոլոր այլ հ.-ե. լեզուների, հիմքի վերջի ձայնավորը պոկել է նրանից և չի միացրել հին վերջավորությունը, այլ պահպանել է անկախ վիճակում, նրան տվել նոր. հոլովիչի իմաստ, ստեղծել նրանցից մի նոր անկախ ձևակազմ, բռնելով միջին տեղը լատինական և սլավոնական տիպերի միջև: Դրանով գրաբարը հ.-ե. լեզուների սխիսմումում բռնում է ինքնուրույն տեղ և բացատրում հ.-ե. անունների կառուցվածքային զարգացման պրոցեսը:

Այդ հանգամանքը գրաբար լեզվի անունների կառուցվածքի համար ու-

⁹ A. Meillet, ibid.

հեցավ մեծ հետեանքներ և նրան մի շարք գծերով տարբերեց հնդկիրոպական այլ լեզուներից: Հոլովիչի իրրե անկախ ձևույթի գիտակցումը առաջացրեց հայերենում արտաքին և ներքին թեքման երևույթները, որ համարյա չկան հնդկիրոպական լեզուների մեջ: Այսպես՝ ձայնորդ վերջավորություն ունեցող անուններում հոլովիչը երևում է հիմքի ներսում, քանի որ այդ անունների մեջ թեմատիկ ձայնավորներ չկան. օրինակ, տուն-տան-տամը, աստղ-աստնդր, աւր, աւուր, աւուրը:

Ինչպես կարելի է հեշտությամբ նկատել, աւամ-ը, աստեղ-ը, աւուր-ը ձևերի մեջ ա, ե, ու ձայնավորները իրրե հոլովիչներ հակադրվում են ընդհանար հոլովակազմիչին և զրանով ստեղծում ներքին թեքում:

Ներքին թեքման ատկայությունը հակադիր է դարձնում նրան՝ բան-ի-ւ, զեւ-ո-ւլ, Արշակ-ա-ւ ձևերին և ստեղծում արտաքին թեքման իրակությունը:

Երբ բառի մեջ երևում են թեքման երկու նշաններ, ինչպես օրինակ, անձն > անձին > անձամ, բարձր > բարձու > բարձամ, գինի > գինու > գինեաւ, այդ երևույթը հակադրվում է թեքման միայն մեկ նշան ունեցող հոլովման (գետ > գետոյ > գետով, բան > բանի > բան-իւ) և առաջացնում պարզ հոլովման և խառը հոլովման երևույթներ¹⁰: Այսպիսով՝ թեմատիկ ձայնավորի իմաստավորումն իրրե թեքման նշանի՝ հվովիչի, զրարարի մեջ առաջացնում է պարզ ու խառը տիպերի հոլովման կառուցվածքային երևույթները, որ գոյություն չունեն այլ հ-և լեզուների մեջ:

Գրարարի կառուցվածքի զարգացումը գնաց գեպի սլավոնական տիպը, քանի որ հոլովիչը միացավ հոլովական վերջավորության, որի հետ զուգահեռաբար կորավ հոլովիչի որպես անկախ ձևույթի գիտակցումը և ստացվեց.

նեա-ից, գեա-ից, դարդ-ից. նեա-ով, գեա-ով, դարդ-ով. նեա-ում, գեա-ում, դարդ-ում:

Այդ պրոցեսի հետեանքը եղավ ներքին և արտաքին բեքման, պարզ և խառը տիպերի հոլովման զաղափարների ջնջումը, որից և ստացվեց աշխարհարարի հոլովման ներկա կառուցվածքը: Հնդկիրոպական անվանական հոլովման կառուցվածքի կոլլուցիան, ի վերջո, ամեն տեղ հանգեց այս վիճակին, իսկ որոշ լեզուների մեջ էլ բոլորովին վերացրեց հոլովումը (խալիբեն, ֆրանսերեն, անգլերեն և այլն): Առաջին և վերջին փուլի վկայությունները հնդկիրոպական լեզուներում կան: Միջին փուլի միակ վկան առաջվա գրարար լեզուն է, այդ պատճառով նրա դերը հնդկիրոպական լեզուների համակարգում առանձնակի նշանակություն է ստանում:

2. ԲԱՂԱՉԱՅՆԱԿԱՆ ՀԱՄԱԿԱՐԳԻ ՀԱՐՑԵՐ

Հնդկիրոպական համեմատական լեզվանությունը սկզբից հանգեց այն եզրակացության, որ հիմք-լեզվի մեջ գոյություն ունեին պաշտական հնչյունների չորս շարք, այն է.

bh b p ph dh d t th gh g k kh

Այդ եզրակացությունը թելադրվում էր նրանով, որ վեդական (երկրորդ հազարամյակ մ. զ. ա.) և սանսկրիտի (առաջին հազարամյակ մ. զ. ա.) տեքստերում գոյություն ունեին bh, dh, gh շնչեղ ձայնեղ հնչյունների գրավոր ֆիքսացիան: Երանք կան այժմյան հնդարիական լեզուներում:

¹⁰ Խոր հոլովումն արտացոլում է հ-և ձայնդարձի երևույթը տե՛ս A. Meillet, Esquisse...

Այս ելակետով էլ կատարվել են ստագարությունները հարյուր տարվա ընթացքում: Եսեղովել խոր և լուրջ ուսումնասիրություններ, մոնումենտալ գործեր, հակայական գիտական գրականություն:

Սակայն 20-րդ դարի մի շարք լեզվաբաններ կասկածի տակ են դնում շնչեղ ձայնեղների bh, dh, gh եղած լինելը նախամայր լեզվում, քանի որ դրանք վկայված են միայն հնդարիական ճյուղի լեզուներում:

Այդ դեպքում կասկածի տակ են դրվում այն բոլոր հետազոտությունների և եզրակացությունների զգալի մասը, որոնք կատարվել են վերոհիշյալ 100 տարվա ընթացքում:

Սակայն, պատմահամեմատական լեզվաբանություն մեջ ընդունված է հետևյալ կանոնը. եթե միևնույն երևույթի մասին վկայում են երկու տարբեր ճյուղերի լեզուներ, առնվազն երևույթը ժառանգված է նախամայր լեզվից, ուրեմն և զույլություն է ունեցել հիմք-լեզվի մեջ: Այդ պատճառով էլ իրավացի կարող էին լինել այն գիտնականները, որոնք ժխտում էին շնչեղ ձայնեղների գոյություն ունեցած լինելը հնդեվրոպական նախալեզվում, որովհետև լայն հնդարիական ճյուղից, ուրիշ որևէ ճյուղ այդ մասին չէր վկայում:

Հայերեն լեզվի փաստերը, սակայն, թերադրում են հակառակը:

Հայերեն լեզվի, որպես հնդեվրոպական լեզվի, պայթական բաղաձայնների մասին կարծիք ստեղծվեց, որ նա առաջացել է հնդեվրոպական բաղաձայնական համակարգի մեկ լրիվ տեղաշարժով շնչեղ ձայնեղներից դեպի աջ¹²:

Այսպես՝ bh b p ph dh d t th gh g k kh
բ պ փ դ տ թ գ կ ք

Այդպես էր կարծիքը, որովհետև նկատի էր առնվում գրաբարի բաղաձայնական համակարգը, որի պատկերն հետևյալն է.

b p ph բ պ փ d t th դ տ թ g k kh գ կ ք

Սակայն մենք փորձեցինք խմբավորել հայ բարբառների բաղաձայնների համակարգը, և դրանից ստացվեցին 7 խմբեր, որոնք են.

Փոքր Հայքի	Մեծ Հայքի ¹²	Գրաբարակերպ
կամ 1-ին խումբ	կամ 2-րդ խումբ	կամ 6-րդ խումբ
dh d—th և այլն	dh — t th	d t th
Անտիոքի	Փոքր Ասիական	Հյուսիսային միջագետքի կամ 5-րդ խումբ ¹³
կամ 4-րդ խումբ ¹³	կամ 6-րդ խումբ ¹¹	դեպքի կամ 5-րդ խումբ ¹³
d t th	d—th	d—th

Արևելյան բարբառների կամ 7-րդ խումբ. t th

Եկատելով, որ հայոց լեզվի պատմություն մեջ ամենակայուն հնչյուններից հնդեվրոպական ձայնեղներն են և ամենաշատ փոփոխվողները հնդեվրո-


¹¹ Մասնակի հնչյունափոխությունները նկատի չենք առնում:

¹² Այս խմբի ձայնեղները կան միայն բառամիջում, իսկ բառասկզբում առկա են խուլեր միայն:

¹³ Այս խմբում հ.—ե. շնչեղ ձայնեղները վերածվում են խուլերի, ձայնեղները պահպանվում են:

¹⁴ Այս խմբում հ.—ե. շնչեղ ձայնեղները վերածվում են ձայնեղի, հ.—ե. ձայնեղները պահպանվում են:

¹⁵ Այս խմբում հ.—ե. շնչեղ ձայնեղները վերածվում են շնչեղ խուլի, իսկ հ.—ե. ձայնեղները պահպանվում են:



պական շնչեղ ձայնեղները (bh, dh, gh), մենք եզրակացրինք, որ դրանք և ընդհանրապես բարբառների բաղաձայնական համակարգը, բացառությամբ 3-րդ և 7-րդ խմբերի, նախամայր վիճակի արտացոլումներն են, առաջացել են հայոց լեզվի զարգացման այն փուլից, երբ նրա մեջ լրիվ անդաշարժներ չէին կատարվել և նրա համակարգում գոյություն ունեին հնդեվրոպական շնչեղ ձայնեղները: Մեր ենթադրությամբ դրանք կարող էին լինել մեր դարաշրջանից առաջ, II հազարամյակի վերջերին և I հազարամյակի ընթացքում:

Եթե այդպես է, ապա հայերեն լեզուն իր բարբառների շնորհիվ դառնում է այն երկրորդ լեզուն, որ հնդարիական ճյուղի կողքին վկայում է, թե նախամայր լեզուն ունեցել է շնչեղ ձայնեղների խումբը:

Դրանով բուծվում է դարավոր պրոբլեմը, արդարա՞նում է 100 տարվա ենթադրությունը, որի վրա կառուցված են այդ 100 տարվա ստուգաբանությունները:

Դրանով հայ բարբառները մեծ ծառայություն են մատուցում հնդեվրոպական համեմատական լեզվաբանությանը իբրև մի իսկական գլուխ¹⁶:

Կան գիտնականներ, սուլիդ հայագետներ, որոնք հակառակ կարծիքի են և ջանում են ապացուցելու, թե այդ երևույթները մեր հազարամյակում առաջացած երևույթներ են, իբր, հայերեն լեզվի բարբառների առաջացած պրոպետ, որ նրանք դնում են մեր հազարամյակում, 10-րդ դարից հետո: Եթե, իրոք, այդ կարծիքի կողմնակիցներին հաջողվի ապացուցել այդ, ապա հայերեն լեզվի բարբառները իրենց այդ երևույթով հնդեվրոպական համեմատական լեզվաբանության համար մի առանձին արժեք չեն ներկայացնի: Այստեղ բախվում են երկու ելակետային սկզբունքներ: Մեկը մեր ելակետն է, ըստ որի հայերենի ժամանակակից բարբառների ծագումը պետք է որոնել խոր հնություն մեջ 5-րդ դարից 1000 տարիներ առաջ, կապելով պատմական Հայաստանի ցեղատոհմական ժամանակաշրջանի կեցություն հետ: Փաստերը վկայում են, թե ընդհանուր լեզվի՝ գրաբարի, կողքին վաղուց ի վեր գոյություն են ունեցել հայերենի բարբառները, ուրեմն նաև նրանց բաղաձայնական համակարգարգը, որոնք գրաբարի հետ միասին առաջացել են հայերենի ավելի հին վիճակից, քան 9-րդ դարի գրաբար լեզուն է:

Դեռ 19-րդ դարի վերջին Sivers-ը Աշտարակի խոսվածքի ուսումնասիրությամբ, ապա Հ. Աճառյանը էքսպերիմենտալ ճանապարհով, 1953 թ. W. S. Allen-ը նոր Ջուդայի բարբառի ուսումնասիրությամբ հաստատեցին, որ հայ բարբառների մի մասը ունի շնչեղ ձայնեղների շարքը (bh, dh, gn, ih, jh): H. Pedersen-ը դեռ 1904 թվականին արտահայտել է այն կարծիքը, թե գրաբար լեզվի բ, գ, դ, ձ, ջ գրերը արտահայտում են ոչ թե ձայնեղ հնչյուններ, այլ շնչեղ ձայնեղ հնչյուններ: Նույն կարծիքին է հանգել մեծագույն հայագետ A. Meillet 1920 թվ.: Այդ կարծիքին է հանգել Hans Vogt-ը 1958 թվ.: Այդ ամենը նկատի ունենալով, քննելով հարցն ըստ էության, խոշոր լեզվաբան E. Benvenist-ը գտնում է, որ հայերենի «...շնչեղ ձայնեղները նորագոյացության արդյունք չեն: Ընդհակառակը, նրանք ժառանգված մի շարք բնորոշ գծերն են ի հայտ բերում... Ինչպես ժամանակից արեևալահայերենում (երևի հասկանալով Արալատյան բարբառը—Ղ.), այնպես էլ հին հայերենում

¹⁶ Մեր այս առաջարկը գրական լայն ընդունելություն գտավ հնդեվրոպական պատմա-համեմատական լեզվաբանական խոշոր ներկայացուցիչների կողմից. օրինակը տես՝ Вопросы языкознания, 1959 г. № 6.

Լրրորդ շարքի պայթականներն ու աֆրիկաաները շնչող ձայնեղներն էին (ընդգծումը հեղինակին է — ի.) և ոչ թե պարզ ձայնեղները¹⁷

Մենք մասդիր չենք հերքելու այս դրույթը, ավելի շատ հակված ենք ընդունելու դա և այդ դեպքում զրարարի համակարգը կնդունի այս պատկերը՝

bh—p ph dh—t th gh—k kh jh—c—ç jh—c

Դրանով զրարարը իր բաղաձայնական համակարգով խիստ կմոտենա Փոքր Հայքի և Մեծ Հայքի բարբառներին և կճշտվի այն տեսակետը, թե բարբառները և զրարարը բաղաձայնական համակարգով միմյանցից բնավ հեռու չեն կանգած և շարունակում են հնդեվրոպական նախամայր լեզվի բաղաձայնական համակարգի էվոլյուցիան։ Դա, ի հարկե, մեր այն կարծիքի վրա, թե մեր բարբառների համակարգը առաջացել է 5-րդ դարից դեռ շատ ավելի առաջ և այն վիճակից, որ նա ունեցել է առաջին կիսամյակում մ. դ. ա., նոր ոչինչ չի ավելացնում, բացի այն, որ զրարարն էլ դառնում է վկա, որ մեր հիմնական բարբառները առաջացել են հայերենի ընդհանուր լեզվից՝ ճշուդավորվելով շատ հին ժամանակներում, մի հազարամյակով առնվազն ավելի վաղ, քան մեր 5-րդ դարը։

Միաժամանակ մենք է՛լ ավելի համոզվում ենք, որ մեր բարբառները հնդարիական լեզուների կողքին հայերենը դարձնում են այն երկրորդ նյութը, որ վկայում է շնչելի ձայնեղների ևղած լինելը հնդեվրոպական հիմք-լեզվի մեջ։

А. С. Гарибян

Место и рол Армянского языка в системе индоевропейских языков

Р е з ю м е

Автор рассматривает структурное развитие и.-е. имен и приходит к заключению, что древнеармянские имена в отличие от имен других древних индоевропейских языков представляют особый тип, в котором обособленно осознаются основа, признаки типов склонения, происшедшие от и.-е. тематических гласны и окончания. Пример: get-река: get-o-v рекой; вап-славо: вап- i -w славом. На этой почве возникли типы склонения внутренней и внешней флексии в древне-армянском языке. Таким образом древне-армянский язык уточняет пути развития именного склонения индоевропейских языков.

Во второй части статьи автор рассматривает консонантную систему диалектов армянского языка и находит в них семь групп: I-dh d-th; II-dh-t th; III-d-th; IV-d-t th V-d-th; VI-d t th; VII-t th. Соглашаясь с мнением Педерсена, Мейе и Бенвениста, автор считает что древнеармянские звонкие взрывные на самом деле носили характер

¹⁷ Հարցի մանրամասն քննությունը տես՝ E. Benveniste, sur la phonétique et syntaxe de l'Arménien classique. Bulletin de la Société de Linguistique de Paris. T. 54. Fasc 1, 1959.

звонких придыхательных согласных, которые сохранились в тринадцати диалектах армянского языка, занимающих территорию Малой и Великой Армении. Звонкие придыхательные, как известно, имеются лишь в индоарийских языках. После обнаружения этих звуков в армяноком языке, не остается сомнения в том, что эти звуки явились характерным качеством индо-европейского консонантизма.

A. S. Garibian

The Place and the Role of Armenian Language in the System of Indo-European Languages

S u m m a r y

The author takes the structural development of I.—E. nouns under his review and comes to the conclusion that the nouns of Ancient Armenian in contrast to the nouns of other Indo-European languages represent a special type, in which are realized apart the stem, the indices of the type of declination arisen from the I.—E. thematical vowels and the ending. An example: get—river; get-o-v-by the river.

ban—word; ban-iw-by the word.

On this ground arose the types of internal and external inflexion of declination in the Ancient Armenian language. Thus the Ancient Armenian language makes more exact the ways of development of noun declination of Indo-European languages.

In the second part of the article the author takes under his review the consonantal system of dialects of Armenian language and finds in them seven groups:

I—dhd—th; II—dh—t th; III—d—th; IV—d t th; V—d—th; VI—d t th; VII—t th.

The author agreeing with the opinion of Pedersen, Meillet and Benveniste considers that the Ancient Armenian voiced plosives actually had been of a voiced aspirate character consonants, which remained in thirteen dialects of Armenian language, occupying the territory of the Minor and the Great Armenia. The voiced aspirates, as it is known are only in the Indo-Aryan languages. After having discovered these sounds in the Armenian language there remains no doubt about the fact, that these sound were the characteristic quality of the Indo-European consonantism.